



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærentem paternè ...**

Eisvogel, Veremund

Augustæ Vindelic., 1727

Dedicatio. Reverendissimo Perillustri, ac Amplissimo Præsuli Domino,
Domino Ildephonso, Celeberrimi ac Exempti Monasterii
Weichenstephanensis Ord. S. P. Benedicti Abbati Vigilantissimo, ...

[urn:nbn:de:hbz:466:1-52716](https://nbn-resolving.org/urn:nbn:de:hbz:466:1-52716)

DEDICATIO.

*Reverendissimo,
Perillustri, ac Amplissimo
Præsuli*

DOMINO, DOMINO
ILDEPHONSO,

Celeberrimi ac Exempti
Monasterii Weichenstephanen-
sis Ord. S. P. Benedicti Abbati Vigilan-
tissimo, Almæ, & Exemptæ Congrega-
tionis sub Tit. SS. Angelorum Cust.


Benedictino-Bavaricæ

PRÆSIDI GENERALI,
Tertiùm confirmato,

Nec non

Episcopalis, Inclyti Lycæi Frisingensis
Assistenti perpetuo &c.

*Domino, ac Patri perquam
gratioso, Patrono suo observan-
dissimo.*



Reverendissime, Perillustris

ac Amplissime Domine, Domine

PRÆSUL,

Patrone perquam Gratiose

Observandissime!

Consolator Consolato-
rem quærit. Ubi?
In Te Præsul Amplif-
sime! Vis causam?
Latent centenæ: dico unicam.
Admitte! suggestit gratus a-
mor: non indignare!

Se-

DEDICATIO.

Septennium est, Pater Reverendissime ! à quo sub Te Præsidente (ò quanto mihi) Novitios Fratres ad Regulam sanctissimi Patris Benedicti , ad conversionem morum , ad virtutem , quam magnus Patriarcha docuit noster , erudire jussus sum , tot, & tantis certè impar conatibus , nisi Te vivum Virtutis Benedictinæ exemplar habuissem , ad cujus normam Juventutem religiosam formare contenderam. Nec minùs in meum ipsius, quàm Novitiorum commodum Te Magistrò usus sum , dum adhuc ignarus rerum , quas religiosorum prima institutio habet difficillimas , in Te respexi velut indubiam vitæ sanctioris Cynosuram. Et li-

DEDICATIO.

cèt non semper pro virtute verbis perorares, docuisti tamen congenitò morum exemplò, Orator quidem studiose mutus, sed omnibùs eloquentior.

Dicerem majora de Te, Præsul Amplissime! verùm Opusculi ratio, & materia non patitur. Hæc cùm Ascetica tantùm spiret, suos intra limites calamum vel invitum constringit; nisi forsan vita tua privata, & publica mera Ascensis appellari mereatur.

Sanè tuam in Theologicis Sapienciam ad altiora sustollis, ut divinitatis arcana privatim mediteris, postquàm publicis in concertationibus ad Præsidentium etiam ruborem dimicasti. Prudentiam in Jure utro-

DEDICATIO.

troque amplissimam , quam non rarò in velitationibus Scholasticis efficacem probâsti, magnò zelò , ac providentiâ ad vitæ rectoris formam , ad subditorum necessitates , & commoda , ad tuenda Religionis Jura sanctissimè convertis, & applicas. Subtilitates Philosophicas , rerùmque causas tam altè imbibisti, ut à visibilibus ad invisibilia ascensum feliciter doceas ; nihil in Te profanæ pateris scientiæ, quod non sacratiori quadam Apotheosi ad superna transferas. Hinc illa Regiminis felicitas , asceterij tui flores, & incrementa ; hinc negotiorum tam gravium inexpectata expeditio , ut sæpè jam factum esse con-

DEDICATIO.

spiciamus , quod , num fieri
posset , dubitabamus. Verè
in via virtuti nulla est via! Eò
tua non semel jam ascendit ,
quò alij non audent aspirare.
Novit, quod scribo, Congrega-
tio Benedictino - Bavarica ,
quam Præsès Vigilantissimus
jam in decem annos (opto &
perpetuos) gubernas tot inter
adversa semper gloriosus, vic-
tus nunquam. Novit Uni-
versitas Salisburgensis , cujus
nuper ex Provincia Bavarica
Assistentem agebas; quæ sapien-
tiæ tuæ consilia admiratur , au-
xiliâque , quæ toties exhibuisti
amplissima , perenni agnoscit
gratitudinis memoriâ. Novit
Lycaum Frisingense , cui As-
sistens perpetuus virtutis &
pru-

DEDICATIO.

prudentiæ tuæ radios indices affundis, & Nominis tui dignitate conservas, & protegis instar speciosissimæ Rachelis. Testor novissima tempora, quæ ob insolitam in Lycæum tam nobile sollicitudinem & curam tua merita omni posteritati transcripserunt immortalia.

Taceo Asceterium tuum à Spiritu, & doctrina famosissimum, quod quid debeat *Consolatori*, ac Mæcenati suo, tua jam pro initio auspiciatissimi tui Regiminis de eo data produunt Vaticinia: *Nova faciam omnia.* Fecisti gratulor! & hæc cuncta gloriosissima. Taceo venerandam virorum gravissimorum coronam, qui tu-

DEDICATIO.

am in conversatione vitæ spectatæ integritatem innatæ affabilitati sociatam mirè venerantur, audacter profitentes: non possunt alibi in una sede morari auctoritas, & amor: possunt in Te. Vir magne! raris jam tuis Dei, & naturæ donis effecisti, ut omnium animos velut aurea compede Gallicano tibi cum Hercule devincires devotissimos; & ita devincires, ut Te tanquam *Consolatorem* probent, ac expectant magnates, diligant populi, suspiciant exteri. Hæc dicerem, & his longè præstantiora, Reverendissime Præsul! si libelli ratio permetteret, aut tua sustineret modestia, quæ laudes publicas sanctè averfatur:

DEDICATIO.

tur: Scilicet virtutis hæc indoles est; quia:

*Ipsa quidem virtus pretium
sibi, solaque latè.*

Fortuna secunda nitet, nec fascibus (laudibus) ullis

*Erigitur, plausuque petit
rescere vulgi.*

Claudianus in consulatu
Manlii.

Redeo proin ad scopum, quem antea præfixeram, tibi-que Præsul gratiosissime! opusculum *Consolatoris* mei sacrum volo, rem ex asse tuam, Tuæque virtutis speculum, quod ut paterno & clementi suscipias animo, submissè supplico. Sed nunquid in tuam non pecco Perillustrem Personam, quòd tantum Nomen la-

DEDICATIO.

bori præfixerim tam vili, & modico? Parce! Tua humanitas me fecit peccantem: deprecor!

Vos verò, ò Boni! potentes Superi! in Magno Præsule Ildephonso nobis servate *Consolatorem* in lustra annorum quàm plurima! idque ad insigne Divini Honoris, & Benedictini Nominis decus, ac immortalem gloriam. Hæc vovet, precatur, & optat Weichenstephanij 25. Martij. 1727.

*Reverendissima, Perillustri
ac Amplissima Paternitati
gratiosa*

obstrictissimus servus
P. Veremundus, Wessofontanus
Ord. S. P. Benedicti.